

Minnefest zu Géisdref

E Sonndeg, de 5. Juli, vun 11 Auer un

De Syndicat d'initiative vun der Gemeng Géisdref invitéiert fir e Freideg, den 3. Juli, op de Minneconcert mat der Coverband „Aechoes“, ëm 21 Auer zu Géisdref beim Agank vun der Antimonminn. Parking ass beim Kulturzenter zu Géisdref, 700 Meter zu Fouss oder mam Minnenexpress kënnst een op de Concert. Den Entrée ass fräi.

Mat Zuch a Bus op Géisdref

De Syndicat d'initiative vun der Gemeng Géisdref, an Zesummenarbecht mam „natur musée“ a mam „Institut géologique Michel Lucius“ invitéiere fir e Sonndeg, de 5. Juli, vun 11 Auer un op d'Minnefest zu Géisdref. Um 10.45 Auer fiert e Bus vun der Gare Giewelsmillen op Géisdref a mëttes um 16 Auer vu Géisdref op d'Gare Giewelsmillen.

Den Départ fir de begleet Spadséiergank ënnert dem Thema „Op der Spur vum Antimon“ ass ëm 11.15 Auer beim Kulturzenter zu Géisdref. D'Géisdreferstrëpp

gëtt um 11.30 Auer de Concert-apéritif beim Agank vum Stollen zum Beschten.

Barbecue bei der Minn. Mëttes ass d'Visite vun engem Deel vum Entwässerungsstollen. Mam Pandaklub kënnen d'Kanner sech ee Géisdreferdaler aus Zënn géissen, Studente vum Esilac molen a basstele mat de klenge Visiteuren. Eng Maische kann ee beim Schmatt schmiden.

De Parking ass bei der Kapell um Knupp oder beim Kulturzenter am Duerf. Ee Kilometer zu Fouss oder mat dem Minnenexpress vum Nacher Traktorsklub kann een sech bei d'Minn kutschéiere loossen.

Vu 14.15 Auer un ass den Antimonmusée beim Kulturzenter zu Géisdref op. Am Antimonmusée hu Mataarbechter vum „Service géologique“ vum „natur musée“ ee geologeschen Atelier ageriicht. Den Erléis vum Minnefest ass, fir datt d'Antimonminn vu Géisdref net an de Vergiess geréit, an déi néideg Aarbechte kënnen gemaach ginn. (C.)